

Gij Cienzgangj Gamjyahmui

□ Cinz Gvanghniuj/覃光扭 Lungz Limeiz/龙利梅

Cinz Cunghdai miz sim fanjgang, hoeng it fuengmienh roxnyinh mehmui gouq mingh de; lingh fuengmienh, de rox mehmui yienznaeuz gouq de lo, hoeng de mboujgvaq dwg gaiq noh singhsien iq henz bak de, de seizseiz cungj ndaej dangguh saejdaeuz de gwn bae. Ndigah, de mbouj cak, youzcaih mehmui got dwk.

Banhaemh, Cinz Cunghdai guh aen fangzhwnzloq ndeu, loq raen mehmui ndaem bienqbaenz dahsau lengj ndeu, gyoengqde doxing, lij hengz gij laex gvanbaz.

Gvaqlaeng, mehmui ndaem mboujdanh mbouj miz gij eiqsei yaek gwn Cinz Cunghdai, lij ngoenzngoenz cungj lumj bawx nei caeuq de unj, hag de cawj gijgwn, gangj vah vunz, lij hag vunz byaij roen dem. Gyoengqde caemh hwnj bya bae dwk nyaen, caemh roengz dah gaeb bya. Banhaemh, boux vunz duz mui ndeu, engq lumj boux gvan boux baz nei doxgot ninz.

Gvaq bi ndeu le, gyoengqde yienzfaenh miz gezgoj lo, duzmui seng roengz duz lwg bizbwd hung ndeu.

Daeglwg naj \ fwngz \ ga daengj cienzbouh caeuq bouxvunz ityiengh, mbouj miz saek di yiengh mui.

Riengz daeglwg ngoenz ciemh ngoenz majhung, Cinz Cunghdai hainduj simnyap mbouj angq lo, aenvih de mbouj gamj siengj, lwg maj youq ndaw gamj, majhung le yaek miz maz cwtsik. Mehmui yawj youq ndaw da, ndaw sim hix nyapnyuk dangqmaz.

Doeklaeng miz ngoenz ndeu, duz muimeh ndaem soengq Cinz Cunghdai daengz bakgamj, yienzhaeuh ndenq daeglwg hawj de, yungh gij vah vunz

ngamq hag rox haenx naeuz: “Baema ranz ba, ma daengz ndaw seiqgyaiq vunz lajmbwn bae, ciengx lwg raeuz majhung, beizyangj de baenz boux vunzak ndeu.”

Cinz Cunghdai raemxda laebyoegbyoeg, de cingznaek yawj mehmui ndaem, gag daejsaekwk naeuz: “Mbouj, raeuz…… raeuz doengzcaez baema ba.

Hoeng, mehmui uet raemxda, doi de deuz, yienzhaeuh buet haeuj ndaw gamj bae, aeu rin hung saek maenh bakgamj.

Cinz Cunghdai youq bakgamj ngaueq haujlai nanz, duz muimeh ndaem cungj mbouj hai “dou”, mbouj miz banhfap, de cijndei umj daeglwg raemxda doq rih doq bae.

Ma daengz ranzcoj Sanhdungh le, Cinz Cunghdai cix caiq mbouj dwen duzmui ndaem neix saek cih, caenh naeuz swheij baenzgya lo, mehyah singq Mui, lwg heuh Cinz Yaucuj. Aenvih Cinz Cunghdai baenzbi lumj Gungjswj nei dauqcauq youz bae hawj vunz gangjihag, ndigah gyoengq ranznden gig saenq mbouj ngeiz.

Cinz Yaucuj majhung le, cingq bungz Vujvangz Fazling, de bae daengz laj ciengq Vujvangz. Aenvih de ciepswnj le gij rengz saenz daxmeh de, song fwngz ndaej yaengx goengq bya iq ndeu, mbat cax ndeu bag roengzbae, ndaej bag goengq bya hung ndeu baenz song mbiengj. Youq ndaw bak fanh bing, aeu aen gyauej bouxdaeuz vunzdig lumj mbut daeh aeu doxgaiq, baih vunzdig baez raen mingzcoh de couh lau dwk nyouh sinz. Ndigah, de moix gung biet haek, moix hoenx cungj hingz. Vih Vujvangz guh baenz aen daih nieb neix, laeb

goenglauz geizheih baez dem baez. Ndigah, cancwnggh ndaej hingz le, de deng Vujvangz fung guh guk mbei daihcienggun, daxmeh de deng fung baenz duzmui vuengz, aen congh mehmui youq haenx heuhguh Gamjyahmui.

Hoeng, mehmui vuengz cix baenzlawz hix mbouj nyienh caeuq daeglwg bae gingsingz yiengjsouh yungzdaeuz fouqgviq, caemhcai, doeklaeng Cinz Cunghdai hix gvaqsei lo. Mbouj miz banhfap, Cinz Yaucuj gouz Vujvangz hawj de ma ranz ciuqgoq daxmeh.

Vujvangz niemh de hauqswnh, cix yungh bienmax baez cei, voh Gvangjsih seizhaenx lij fwzrwgrwg

haenx baenz Lozyezgoz, fung Cinz Yaucuj guh Lozyezhouz.

Daj seizhaenx hwnj, Cinz Yaucuj ma daengz Gvangjsih hai diegguek ciu lwgminz. De comz bing youq Mbanjsaihingh, hai gvangq aen gamj mehmui baenz yenjbinghdangz, moix ngoenz hawj daxmeh youq ndaw yenjbinghdangz yawj bing. De lij daegdaengq guh aen eij hung maenhsaed ndeu, moix ngoenz de cungj umj daxmeh hwnj eij hung, bang daxmeh roi gyauej dajcang. Yidi rox le, cix gaengawq aen goj gamjdoengh vunz neix daeb baenz goengq bya ndeu.

Neix, couh dwg Byayahmui ngoenzneix. (2 sat)



▲ Gveilinz Cenzcouh Yenzgouj Suijgu raemx rim roenx okdaeuj hungmbwk gyaunde. Dangz Gvangjdungh ingj

Gangjgoj mbouj ngamj byongh coenz lai, laeuj ndei doxgwn cien boi noix. Laujuj haenh gij giemxdourin Vangz Gencingh soucomz haenx, de genyi Vangz Gencingh lai soucomz gij doufaex, cuengfaex ranzgeq, gij muhrin, doiqrin caeuq fagcaefaex, fagrauqfaex, aendaehnengj, baengz-ndongq daengj, cujyau mwngz siengj aeu, lajmbanj gijmaz cungj miz, caiqlij aeu siengghing ingj gij ranzhaz, gij diengzhaex yaek loemq, liengzvaex, ranzvaex caeuq ciengz-namh haenx……

“Uj ginghlij, siengj mbouj daengz mwngz rox baenzlai.” Vangz Gencingh haenhdanq naeuz, lumj youq ndaw mokfoenfoen haenx yawj-

Lauxdoengz

□ Moz Lijginz / 磨礼勤

raen di ndit ndeu ciuq roengzdaeuj, de roxnyinh Laujuj hawj de hwnj dangz goq cei q miz ik ndeu, doengzseiz hix hawj de rox sourom gij doxgaiq neix dwg doiq gwnzbiengz miz gungyen, gij yiyi haenx mbouj dwg gimngaenz ndaej gujyawj, de cungjsuenq mingzbeq lo, deq mbouj miz hong guh le, de couh bae hag hai ci, cawx aen ci' ngeihsouj ndeu bae mbanj gvaq haw, rib sou gij “bauj” ciuhgeq yaek ngaiz ndek deuz haenx.

(Ngeihcib Sam)

Vangz Gencingh hwnq congz deq ranz rongh, haetneix de aeu bae hawhuqgeq yawj miz mbouj miz

doxgaiq ciuhgeq de naemj aeu haenx. Cib diemj cung dungx iek le de bae ra haeux gwn. Youq gaicibcih yawjraen aen bouqhaeux ngamq haicieng ndeu, de byaij gvaqbae naengh roengzdaeuj, siengj daengz song lauxdoengz, couh dwk denva hawj Lij Danenz, dwg hauhoengq, youh dwk hawj Lungzingh, Lungzingh gig angq, cam youq gyawz, Vangz Gencingh naeuz liux, Lungzingh gig sug giz dieg neix, de naeuz byaijdin cib lai faen cung couh daengz.

Vangz Gencingh caiq dwk denva hawj Lij Danenz, cungjdwg hauhoengq.

Cenj caz daih' it habbak dungx

raeuj, cenj caz daihngaih ndat bak cik dungx, lauxdoengz Lij Danenz baenzlawz yienghneix ni, hong mbouj baenz guh hix mbouj yungh caiq gven soujgih ha!

Vangz Gencingh vih lauxdoengz youheiq.

Lungzingh daeuj daengz, gij biujcingz de mbouj nit mbouj ndat, hawj Vangz Gencingh miz di mbouj cwxcaih, “naengh, naengh gwn caz gonq.” Vangz Gencingh daihueng dwk naeuz. Lungzingh naengh haeuj daengq cam: “Baenzlai nanz mwngz caeuq lauxdoengz Lij Danenz lienzhaeh lwi?” Vangz Gencingh naeuz: “Dwk haujlai baez denva cungjdwg gven gih roxnaeuz hauhoengq.” Lungzingh naeuz: “De yiemq cienz nizswjfwj gou song fanh maenz caengz hawj gou, roetma, gij lauxdoengz neix mbouj baenz!”

(34)

